


TEZAU LITURGIC

11 OCTOMBRIE

ACATISTUL SOBORULUI SF.OPTINEI



MOSCOVA, 2000



Ака́фист

преподобным

О́птинским Ста́рцем

Конда́к 1

Избра́нным служи́телем Святы́я Тро́ицы,/
 собору́ преподо́бных Ста́рцев О́птинских,/
 наста́вником до́брым и премудрым/
 благодарёние и похвалы́ прино́сим./ Вы же, я́ко
 Христо́вы Цёркве украше́ние,/ моли́тесь о нас
 ко Го́споду,/ да воспева́ем вам любо́вию://
 Ра́дуйтесь, преподо́бнии Ста́рцы О́птинстии,
 богомудрии наста́вницы ве́ры и благоче́стия.

И́кос 1

А́нгелов Творе́ц просла́ви вас, отцы́ и Ста́рцы
 преподо́бнии, я́ко сбы́тися на вас рече́нному:
 свет мона́хом суть А́нгели, свет же всем
 челове́ком есть мона́шеское жити́е. Вои́стину у́бо
 яви́лися естё а́нгели храните́лие странё на́шей
 Росси́йстей: ино́ком наста́вницы, ко спасе́нию
 путевожди́е всем ве́рным ча́дом Цёркве,
 вопию́щим:

Ра́дуйся, богопросла́вленный соборе́;

ра́дуйся, богоза́рное благода́ти сия́ние.
Ра́дуйся, дре́во ста́рчества многопло́дное;
ра́дуйся, во Христе́ еди́нство духо́вное.
Ра́дуйся, по́лче, испо́лненный си́лы Бо́жия;
ра́дуйся, во́инство, побежда́ющее де́монов.
Ра́дуйся, ве́нче, Ду́хом Святы́м
благоуха́ющий;
ра́дуйся, О́птины Пу́стыни сла́во и похвало́.
Ра́дуйся, Христо́в пречу́дный виногра́де;
ра́дуйся, мы́сленный раю́ богонасажде́нный.
Ра́дуйся, ликостоя́ние певце́в Святы́я Тро́ицы;
ра́дуйся, созвѣ́здие тве́рди Небе́сных.
Ра́дуйтеся, преподо́бнии Ста́рцы О́птинстии,
богомуд́рии наста́вницы ве́ры и благоче́стия.

Конда́к 2

Ви́дяще су́етная и привре́менная, я́же в ми́ре
сем, вся́кое житѣ́йское попече́ние отверго́сте,
отцы́ богомуд́рии, приидо́сте в Пу́стынь О́птину,
иде́же дре́вний о́браз о́бщаго жити́я яви́сте: соу́з
любве́ неразруши́мый о Христе́ и ре́вность
первохристиа́нскую За́вета Но́ваго, невозврати́мо
ко Го́споду устремі́тесья любо́вию, а́нгельскую
песнь воспева́юще: Аллилу́ия.

И́кос 2

Ра́зум спасе́ния взыску́юще, отцы́ пресла́внии, бога́тство, сла́ву и вся земна́я я́ко мимотеку́щая презре́вше, еди́но же на потре́бу избра́сте; мно́гими труды́, скорбьми́ и боле́знями до́брое основа́ние по́двигу положи́сте. Те́мже, Христо́вы за́поведи сотво́рше и святы́х оте́ц сове́ты соблю́дше, добродете́льми обогати́лися есте́. Сего́ ра́ди вопие́м вам:

Ра́дуйтесь, Христо́во смире́ние возлюбив́ши;
ра́дуйтесь, кро́тость ду́ха терпе́нием
стяжав́ши.

Ра́дуйтесь, во́ли Бо́жией послѣдова́вши;
ра́дуйтесь, свою́ во́лю отсе́кшии.

Ра́дуйтесь, моли́твою и посто́м Бо́гу
служи́вши;

ра́дуйтесь, чи́стым се́рдцем Го́спода зря́щи.

Ра́дуйтесь, стра́сти теле́сныя воздержáнием
умертви́вши;

ра́дуйтесь, плоть ва́шу ду́хови покорив́ши.

Ра́дуйтесь, ми́лость я́ко ца́рский путь
избра́вши;

ра́дуйтесь, рассу́ждение я́ко верх
добродете́лей обрѣ́тшии.

Ра́дуйтесь, благона́вную жизнь показáвши;

ра́дуйтеся, от Бо́га благія́ дара́ прие́мшии.
 Ра́дуйтеся, преподо́бнии Ста́рцы О́птинстии,
 богому́дрии наста́вницы ве́ры и благоче́стия.

Конда́к 3

Си́ла Моя́ в не́мощи соверша́ется, рече́
 Госпо́дь. Те́мже и вы, преподо́бнии, ярем
 скорбе́й и боле́зней подьёмше, си́лою Ду́ха
 обогати́тесь: дар рассу́ждения при́яте, и
 прему́дрость ста́рчества улу́чьте, воспева́юще
 Подате́лю вся́ческих: Аллилу́ия.

И́кос 3

Име́я о спасе́нии челове́ков дивное
 промы́шление, сла́вимый в Тро́ице Бог виногра́д
 ста́рчества оби́льно во Египте возрасти́, и
 испо́лни сей всю зе́млю; и отра́сль его́ в
 послéдняя лéта дости́же Пу́стыни О́птинския.
 Сия́ до́брыми виногра́дари отребля́ема и вода́ми
 пита́емая Святогóрскими и Фиваи́дскими,
 богáтый плод принесе́. Сие́ до́бре разуме́вше,
 воззовéм Ста́рцем О́птинским си́це:

Ра́дуйся, Моисе́е, избра́нный
 пустынножи́телю;

ра́дуйся, ста́рчества О́птинскаго насади́телю.

Ра́дуйся, Анто́ние, богоуго́дный подви́жниче;

ра́дуйся, смире́ния и кро́тости наста́вниче.

Ра́дуйся, о́тче Льве, по Бо́же пла́менный
ревни́телю;

ра́дуйся, ста́рчества О́птинскаго
возрасти́телю.

Ра́дуйся, ду́шу свою́ за ча́да положи́ти
гото́вый;

ра́дуйся, во оби́тель Про́мыслом Бо́жиим
приведе́нный.

Ра́дуйся, Мака́рие, высотó смире́ния;

ра́дуйся, глуби́но премудро́сти ста́рческаго.

Ра́дуйся, Исаа́кие, вертогра́да ста́рчества
храни́телю;

ра́дуйся, оте́ческих заве́тов ве́рный
исполни́телю.

Ра́дуйтесь, преподо́бнии Ста́рцы О́птинстии,
богомудро́и наста́вницы ве́ры и благоче́стия.

Конда́к 4

Бу́рное мо́ре без ко́рмчаго никто́же мо́жет
прейти́; израи́льтяне же, Моисе́ом путево́димии,
я́ко по су́ху преидо́ша е́. Сей проо́браз
ста́рчества прие́мше, богоно́снии отцы́
О́птинстии, я́коже о́ный Моисе́й, чрез мо́ре
жите́йское мно́гим ко спасе́нию путево́дителие

яві́лися естé, указу́юще еди́н Пу́ть, Христа́ Го́спода, Емúже прі́сно воспева́ем: Аллилу́ия.

И́кос 4

Слу́шай вас, Мене́ слу́шает, рече́ Госпо́дь Свои́м ученико́м, на про́поведь я́ посыла́я. И та́ко положéно бы́сть свята́го ста́рчества основáние, да всяк вéчныйя жи́зни иский, вопроша́ет ста́рца своего́, да благáя позна́ет во спасéние. Сиé Божéственное уставлéние вéдуще вы, святіи Льве и Мака́рие, созда́сте ста́рчество на твёрде́м ка́мени смире́ния, те́мже восхва́лим Ста́рцев О́птинских си́це:

Ра́дуйтесь, любóвию к б́лижним озаре́ннии;
ра́дуйтесь, благода́тию ста́рчества одаре́ннии.
Ра́дуйтесь, к Бо́гу ве́рнии путево́дителие;
ра́дуйтесь, мно́гих душ просвети́телие.
Ра́дуйтесь, смире́нию Христо́ву навча́ющи;
Ра́дуйтесь, в правде жи́ти нас укрепля́ющи.
Ра́дуйтесь, мона́шескаго жити́я ревни́телие;
ра́дуйтесь, послуша́ния до́брии учи́телие.
Ра́дуйтесь, на пу́ть покая́ния наставля́ющи;
ра́дуйтесь, к любви́ Бо́жией всех
возвыша́ющи.

Ра́дуйтеся, до́брии де́лателие виногра́да Христо́ва;

ра́дуйтеся, я́ко отве́рзеса вам Ца́рство Небе́сное.

Ра́дуйтеся, преподо́бнии Ста́рцы О́птинстии, богому́дрии наста́вницы ве́ры и благоче́стия.

Конда́к 5

Богоблаже́ннии отцы́ Моисее́ и Исаа́кие, ре́вностию о до́ме Бо́жием двíжимии, неле́ностнии зиждите́лие оби́тели яви́лися естé, поло́жше во главу́ у́гла ка́мень краеуго́лен. Сего́ ра́ди воздвиго́сте дивны́я красоты́ хра́мы Бо́жия, иде́же мы ны́не воспева́ем: Аллилу́ия.

И́кос 5

Виде́ния и созерца́ния та́ин Боже́ственных сподо́бльшеса, яви́стеса благочи́ния церко́внаго приле́жнии ревни́телие и благоле́пия богослуже́ния рачи́телие, е́же жи́ти вам в дому́ Госпо́дни и зре́ти красоту́ его́. Те́мже и мы ны́не, услажда́ющеса красото́ю оби́тели О́птинския и разуме́юще изрядное попече́ние ва́ше о ней, благода́рно вам взыва́ем:

Ра́дуйся, Анто́ние, усер́дный скита́ строите́лю;

ра́дуйся, уде́ла Предте́чи Госпо́дня
попечи́телю.

Ра́дуйся, Мака́рие, писа́ньми мно́гих
просвети́вый;

ра́дуйся, служ́бы церко́вныя украси́вый.

Ра́дуйся, Амвро́сие, дивно́ на возду́се
моли́выйся;

ра́дуйся, в моли́тве сла́ву Бо́жию созерца́вый.

Ра́дуйся, богому́дрый наста́вниче и учи́телю;

ра́дуйся, Ша́мординския оби́тели создате́лю и
окорми́телю.

Ра́дуйся, Иларио́не, заблуждших обра́щай;

ра́дуйся, тех к та́инством церко́вным
привлека́й.

Ра́дуйся, Исаа́кие, оби́тели до́брый
управи́телю;

ра́дуйся, ино́ков ве́рный путево́дигу.

Ра́дуйтеся, преподо́бнии Ста́рцы О́птинстии,
богому́дрии наста́вницы ве́ры и благоче́стия.

Конда́к 6

Пропове́дницы истины яви́стеся, богоно́снии
Ста́рцы О́птинстии, наставля́юще вся бли́жняя и
да́льняя, я́ко столп есть и утвержде́ние и́стины
Церко́вь Правосла́вная, ея́же вне никто́же

мо́жет спасе́ние улу́чить и жи́знь ве́чную насле́дiti. Си́це ва́ми нау́ченнии, ко Го́споду взыва́ем ра́достно: Аллилу́ия.

И́кос 6

Воссия́сте свѣтом добродѣ́тельного жити́я и свет и́стиннаго богопозна́ния уясни́сте, изъясне́ние словѣс святи́х оте́ц нам яви́вше, к сим же и своя́ писа́ния оста́вивше. Сего́ ра́ди, уподо́бльшеся челове́ку домови́ту, и́же изно́сит от сокрови́ща своего́ но́вая и ве́тхая, умно́жили есте́ тала́нты Влады́це Христу́ и просла́вистеся от Него́; мы же тщи́мся пе́ти вам такова́я:

Ра́дуйтеся, зако́на Бо́жия ревни́телие;
 ра́дуйтеся, и́стиннаго любому́дрия рачи́телие.
 Ра́дуйтеся, ключ разуме́ния нам подава́ющии;
 ра́дуйтеся, двѣри и́стины отверза́ющии.
 Ра́дуйтеся, прему́дрости Бо́жия сокрови́ще;
 ра́дуйтеся, словѣс Божѣ́ственных исто́чнице.
 Ра́дуйтеся, свѣта ева́нгельскаго сия́ние;
 ра́дуйтеся, за́поведей Христо́вых соблюде́ние.
 Ра́дуйтеся, писа́ний оте́ческих изъясни́телие;
 ра́дуйтеся, благоче́стия насади́телие.
 Ра́дуйтеся, да́нный вам тала́нт возрасти́вшии;
 ра́дуйтеся, в ра́дость Влады́ки Христа́ вше́дшии.

Ра́дуйтеся, преподо́бнии Ста́рцы О́птинстии, богому́дрии наста́вницы ве́ры и благоче́стия.

Конда́к 7

Хотя́й угоди́ти Бо́гови, велений Его́ яви́лся еси́ усердный храните́ль, преподо́бне Мака́рие, соблюда́я за́поведь Госпо́дню: а́ще кто тя уда́рит в лани́ту десну́ю, обрати́ тому́ и другу́ю. Си́лою толи́каго смире́ния исхожда́ху ду́си нечи́стии от одержи́мых те́ми. Мы же, о́браз зря́ще сей смиренному́дрия, сла́вим Бо́га: Аллилу́ия.

И́кос 7

Но́вых ви́дяще избра́нников Бо́жиих, притека́ху к вам люде́й мно́жества, ча́юще сове́та и благослове́ния, утеше́ния же и исцеле́ния. Вы же всем вся яви́лися естé: грешны́я на путь покая́ния наста́вльше, малове́рныя утверди́вше, стра́ждущим спострада́вше, немощны́м исцеле́ния дарова́вше. Те́мже и нас укрепля́ете пе́ти вам:

Ра́дуйся, Мака́рие, зло́бу диа́волю победи́вый;
ра́дуйся, того́ смире́нием низложи́вый.

Ра́дуйся, Амвро́сие, в боле́знях долготерпели́вый;

ра́дуйся, слéзы стра́ждущих изсуши́вый.

Ра́дуйся, Ио́сифе, свята́го Амвро́сия
прее́мниче;
ра́дуйся, по до́брем учи́тели мона́хов
наста́вниче.

Ра́дуйся, Цари́цы Небе́сныя люби́миче
блаже́нный;

ра́дуйся, Е́ю от одра́ боле́зни возста́вленный.

Ра́дуйся, Варсоно́фие, сла́ву земну́ю
презре́вый;

ра́дуйся, во́инству Царя́ Небе́снаго
причте́нный.

Ра́дуйся, незри́мых враго́в победи́телю;

ра́дуйся, прозорли́вый душ врачевáтелю.

Ра́дуйтеся, преподо́бнии Ста́рцы О́птинстии,
богомúдрии наста́вницы ве́ры и благоче́стия.

Конда́к 8

Стра́нников и пришельцев себе́ на земли́ бы́ти
помышля́юще, святы́й Амвро́сие со ученики́,
те́сный путь служе́ния бли́жним избра́сте. Сего́
ра́ди яви́шася на вас дарова́ния духо́внаго
разсужде́ния, телес исцелéния, суде́б Бо́жиих
тайнозрéния, душ изнемога́ющих врачевáния.
Си́ми да́ры áки мре́жами мно́жество душ

уловляюще, Святей Троице воспевали есте
песнь: Аллилуия.

И́кос 8

Всем се́рдцем, душе́ю и мы́слию Бо́га
возлюби́вше, не то́кмо утешéния тре́бующих
николи́же оставя́ете, полéзная на потре́бу
коему́ждо подающе, но и все вре́мя жити́я
моли́тве прилежа́ще, и́стиннаго богомы́слия
сподо́билися есте́, преподо́бнии, постом и
моли́твою, нестяжа́нием и чистото́ю,
разсужде́нием и ми́лостию украше́ннии,
слы́шите от нас сицевая́:

Ра́дуйтесь, всегда́ пред Го́сподем ходи́вшии;
ра́дуйтесь, от дея́ния к созерца́нию
восте́кшии.

Ра́дуйтесь, тяготы́ мно́гих понéсшии;
ра́дуйтесь, тако́ закон Христо́в испо́лнившии.
Ра́дуйтесь, бли́жнему блага́я иска́вшии;
ра́дуйтесь, тех не́мощи любóвию
покрыва́вшии.

Ра́дуйтесь, си́лу вра́жию низложи́вшии;
ра́дуйтесь, ко́зни бесо́в сокруши́вшии.
Ра́дуйтесь, лю́ди Бо́жия до́бре спаса́ющии;

ра́дуйтеся, мы́сленныя та́ти от тех
отгоня́ющих.

Ра́дуйтеся, со́весть от грехо́в очища́ющих;
ра́дуйтеся, скорбь се́рдечную облегча́ющих.

Ра́дуйтеся, преподо́бнии Ста́рцы О́птинстии,
богомúдри и наста́вницы ве́ры и благоче́стия.

Конда́к 9

Всяк язы́к, всяк во́зраст, всяко сосло́вие
хва́лит вы, собо́ре досточúдный преподо́бных
Ста́рцев: упасли́ бо есте́ ста́до Христо́во усер́дно
и неувяда́емая венцы́ сла́вы от
Пасты́ренача́льника прия́ли есте. Те́мже и нас
науча́ете повинова́тися ста́рцем и па́стырем, да
смиреномúдрие стяжа́вше, благода́ть обря́щем
пе́ти Бо́гу: Аллилу́ия.

И́кос 9

Ка́ко божество́вную ва́шу к челове́ком любо́вь
изглаго́лем: до кро́ве бо подвиза́ющесе и ду́ши
сво́я за ча́да полага́юще, служе́ния свое́го
ника́коже оста́вили есте́. Мы же,
предста́тельством ва́шим у Ца́ря ца́рствующих
оби́тели О́птинския узре́вше возрожде́ние, ча́ем
и хра́мов душ наших обновле́ние улу́чить, со
умиле́нием вам глаго́люще:

Ра́дуйся, Некта́рие, блаже́нный наста́вниче;
ра́дуйся, грядúщих прозорли́вый прови́дче.
Ра́дуйся, Исаа́кие, сла́вный
преподобно́мучениче;
ра́дуйся, твёрдый крестонóсче.
Ра́дуйся, Анато́лие, наро́да Бо́жия
окормле́ние;
ра́дуйся, в годину́ искуше́ний всех
укрепле́ние.
Ра́дуйся, за ве́ру поруга́ния прие́мый;
ра́дуйся, в ми́ре дух твой Бо́гу преда́вый.
Ра́дуйся, Ни́коне, мона́хов кро́ткое утеше́ние;
ра́дуйся, испове́днице многострада́льный.
Ра́дуйся, мно́жество скорбе́й претерпе́вый;
ра́дуйся, сумня́щихся в Правосла́вии
утверди́вый.
Ра́дуйтеся, преподо́бнии Ста́рцы О́птинстии,
богомúдрии наста́вницы ве́ры и благоче́стия.

Конда́к 10

Спа́са ми́ра ве́рнии ученицы́ яви́стеся,
богоблаже́ннии, благоче́стно во Христе́
пожи́вшии: о́ви у́бо в трудéх зижди́тельных, о́ви
же в не́мощех многоболе́зненных, о́ви же в
гонéниих непра́ведных; проидóсте путь

притру́днаго сего́ жити́я и многоплаче́внаго, о́браз нам подающе́, ка́ко досто́ит в ско́рбех пе́ти Го́споду Сил: Аллилу́ия.

И́кос 10

Стена́ естé Цёркве Правосла́вныя, забра́ло же неруши́мое честна́го ино́чества: вся бо ору́жия Бо́жия прие́мше и обо́лкшеся в броня́ пра́вды, и нас ве́рно навча́ете, ка́ко щит ве́ры, шлем спасе́ния и меч духо́вный, глаго́л Бо́жий обоюдоу́стрый, восприима́ти подоба́ет. Помина́юще вас я́ко наста́вников, усер́дно мо́лимся, да сподо́бит Го́спо́дь подража́ти ве́ре ва́шей и вопи́ти:

Ра́дуйтесь, му́дрости Бо́жией навча́ющихи;

ра́дуйтесь, вода́ми жи́зни напая́ющихи.

Ра́дуйтесь, мона́шествующих укрепле́ние;

ра́дуйтесь, священноино́ков вспомо́жение.

Ра́дуйтесь, во оби́тели ва́шей незри́мо пребыва́ющихи;

ра́дуйтесь, ча́д своих не оставля́ющихи.

Ра́дуйтесь, ско́рии в ско́рбех помо́щницы;

ра́дуйтесь, неусы́пнии оби́тели охра́нителие.

Ра́дуйтесь, покрóвом Всецари́цы осенёнными;

ра́дуйтесь, Ду́ха Свята́го сосу́ди избра́ннии.

Ра́дуйтеся, снаслéдницы Ца́рствия Христо́ва;
ра́дуйтеся, по благода́ти сы́нове Отца́
Небе́снаго.

Ра́дуйтеся, преподо́бнии Ста́рцы О́птинстии,
богомúдрии наста́вницы ве́ры и благоче́стия.

Конда́к 11

Пе́ние от серде́ц на́ших износи́мое
сподо́бльшеся приноси́ти вам, отцы́
преподо́бнии, пред честны́ми моща́ми ва́шими,
недоумева́ем, ка́ко досто́йно просла́вити
просла́вляшаго вас, дивнаго во святы́х Свои́х
Бо́га на́шего. То́чию моли́твами ва́шими
укрепля́еми, немóлчно вопи́ем Ему́: Аллилу́ия.

И́кос 11

Светоза́рныя лучи́ Со́лнца Пра́вды, столпи́
благоче́стия, дости́заюЩИ Небесе́, войсти́ну
яви́лися естé, отцы́ на́ши преподо́бнии! Ны́не же
во Оби́телех Небе́сных наслажда́ющеся,
Престо́лу Святы́я Тро́ицы предстоите́, но и нас
недосто́йных не оставля́ете, дар многоце́нен нам
яви́вше цельбоно́сныя мо́щи ва́ша, к ни́мже
притека́юще, зове́м:

Ра́дуйтеся, Моисее́ со Анто́нием, опло́те
ста́рчества;

ра́дуйся, о́тче Льве, ста́рчества ко́реню
кре́пкий.

Ра́дуйся, Мака́рие, о́бразе смиренному́дрия;
ра́дуйся, Исаа́кие, домоправи́телю Влади́ки
Христа́.

Ра́дуйся, Иларио́не, душ и теле́с целе́бниче;

ра́дуйся, Анато́лие, моли́твы свети́льниче.

Ра́дуйся, Амвро́сие, благоуха́нный крине́
ста́рчества;

ра́дуйся, Ио́сифе, блага́го ко́рене о́трасле
до́брая.

Ра́дуйся, Варсоно́фие, до́блйи стра́тилате́
Христо́в;

ра́дуйся, Анато́лие, утёшителю́ скорбя́щих.

Ра́дуйся, Некта́рие, прозорли́вче и те́плый
моли́твенниче;

Ра́дуйтесь, Исаа́кие со Ни́коном, сла́внии
му́ченицы и испове́дницы.

Ра́дуйтесь, преподо́бнии Ста́рцы О́птинстии,
богому́дрии наста́вницы ве́ры и благоче́стия.

Конда́к 12

Благода́ть Бо́жию прие́мшии, Ста́рцы
преподо́бнии, течё́ние жити́я проидо́сте в
по́двизех и добродё́телех, не иму́ще zde

пребывающаго града, но грядущаго взыскующе, егѣже и достигѣте, Горняго онаго прекраснаго Иерусалима, идѣже с лики Ангелов во свѣтлости неизреченней поете Богу: Аллилуиа.

Икос 12

Поюще и празднующе всесвѣтлую пѣмь вашу, отцы преславнии, почитаем труды и лишѣния, скорби и болѣзни, гонѣния и страданія ваша: не точию бо овцы стада Христова укреписте, но и веры Христовы исповѣдницы быисте. Темже и блаженств евангельских причастницы явившеся, слышите воспѣваемая вам сицевая:

Радуйтеся, нищетѣю дѣха богѣтии;
 радуйтеся, многѣго ради плача утѣшеннии.
 Радуйтеся, наследницы земли кротких;
 радуйтеся, обрѣтшии правду Христову.
 Радуйтеся, яко помилование улучившии;
 радуйтеся, чистым сердцем Бога зрящии.
 Радуйтеся, дух мирен стяжавшии;
 радуйтеся, множество душ тем спасавшии.
 Радуйтеся, гонѣние за правду Божию претерпѣвшии;
 радуйтеся, в Небесное Царствие возшедшии.

Ра́дуйтеся, гони́мии от неве́рных на земли́;
ра́дуйтеся, я́ко мзда ва́ша мно́га на Небесе́х.

Ра́дуйтеся, преподо́бнии Ста́рцы О́птинстии,
богомúдрии наста́вницы ве́ры и благоче́стия.

Конда́к 13

О вели́цыи уго́дницы Бо́жии, преподо́бнии
Ста́рцы О́птинстии! Ми́лостивно приими́те от
нас сие́ хвале́ние, с любóвию вам ны́не
приноси́мое, и тёплым ва́шим ходата́йством ко
Го́споду испроси́те нам в ве́ре утвержде́ние,
покая́ние и во́ли Бо́жией послéдование, да
изба́вленнии му́ки ве́чныя, кúпно с ва́ми
воспева́ем Бо́гу: Аллилу́ия.

Сей конда́к глаго́лется три́жды.

И па́ки чте́тся и́кос 1-й, и конда́к 1-й.

Моли́тва

О преподо́бнии и богоно́снии отцы́ на́ши,
Ста́рцы О́птинстии, богомúдрии учи́телие ве́ры и
благоче́стия, столпы́ и свети́льницы всем
взыску́ющим спасе́ния и жи́зни ве́чныя: Льве́,
Мака́рие, Моисее́, Анто́ние, Иларио́не, Амвро́сие,
Исаа́кие, Анато́лие, Ио́сифе, Варсоно́фие,
Анато́лие, Некта́рие, Ни́коне испове́днице и
преподобномúчениче Исаа́кие, мо́лим вас

при́сно мы недостóйнии, да сохрани́т Христо́с Бог предста́тельством ва́шим Це́рковь Свою́ Святу́ю, страну́ Росси́йскую, оби́тель О́птинскую и вся́кий град и страну́, иде́же сла́вится и правосла́вно испове́дуется и́мя Его́ Божество́нное.

Моли́тесь о нас, о преподо́бнии Ста́рцы О́птинстии, да у́зрим беззако́ния на́ша и принесём пред Го́сподом на́шим Иису́сом Христо́м пока́ние многосле́зное, да очи́стит мно́гия грехи́ на́ша и да́рует нам времена́ ми́рная и ко спасе́нию благоуспе́шная, да укроти́тся суе́та ве́ка сего́ под кре́пкую ру́ку Бо́жию, я́ко да стя́жем дух ми́ра, кро́тости, братолю́бия и милосе́рдия ко стра́ждущим.

О преподо́бнии, моли́те и Ма́терь Све́та, Цари́цу Небе́сную, Пречи́стую Богоро́дицу, да отве́рзет двéри милосе́рдия Сы́на Своего́ и Бо́га на́шего и да сподо́бит и нас до́брого отве́та на Стра́шнем Суди́щи, ве́чных мук да изба́вит и кúпно с ва́ми да удосто́ит во Ца́рствии Небе́сном сла́вити и воспева́ти пречестно́е и великоле́пое и́мя Отца́, и Сы́на, и Свята́го Ду́ха, во ве́ки веко́в. Ами́нь.